

आकाशवाणी

खबरां ---

1. भारत ते लाओ पीपुल्स डेमोक्रेटिक रिपब्लिक-पीडीआर नै अज्ज 6 सहमति पत्रें ते समझौतें पर दस्तखत कीते न। इंदे च रक्षा सहयोग, सीमा शुल्क, ऑडियो विजुअल ते विरासतें दा संरक्षण शामिल ऐ।
2. भारत नै लेबनान दी मौजूदा स्थिति पर चिंता जाहिर कीती ऐ।
3. भारतीय नौसेना नवाचार ते स्वदेशीकरण सम्मेलन स्वाबलंबन 2024 दा त्रीया संस्करण इस म्हीने दी 28 ते 29 तरीक गी नर्मो दिल्ली च आयोजित करोग।
4. आत्मनिर्भरता दी दिशा च इक महत्वपूर्ण गें पुट्टदे होई थल सेना नै टी-90 भीष्म टैंक दा नमा संस्करण तैयार कीता ऐ। एहदे कन्नै ओहदी तैयारिएं ते कार्रवाइएं गी बल थहोग।
5. नोएल टाटा होरें गी टाटा समूह दे सहयोगी ट्रस्ट दा निर्विरोध अध्यक्ष नियुक्त कीता गेआ ऐ।

PM-East Asia Shikhar Sammelan

भारत और लाओ पीपुल्स डेमोक्रेटिक रिपब्लिक-पीडीआर नै अज्ज 6 सहमति पत्रें ते समझौतें पर दस्तखत कीते न। जिनदे च रक्षा सहयोग, सीमा शुल्क, ऑडियो विजुअल ते विरासतें दा संरक्षण शामिल ऐ। भारत नै भारत-संयुक्त राष्ट्र विकास भागीदारी कोष राएं लाओ च पोषण सुरक्षा दे कन्नो कन्नी खाद्य मजबूती दी परियोजना च सहायता देने आस्तै दस लकख अमरीकी डॉलर दी मदद उपलब्ध कराने दा बी फैसला कीता ऐ। प्रधानमंत्री नरेन्द्र मोदी ते लाओ दी प्रधानमंत्री हुन्दी मौजूदगी च सहमति जापनों दा आदान-प्रदान कीता गेआ। लाओस दी यात्रा दे दूऐ दिन मोदी होरें लाओ दे राष्ट्रपति थोंग-ला-ओन सिसौ-लिथ हुन्दे कन्नै मलाटी कीती। प्रधानमंत्री होरें राष्ट्रपति होरें गी आसियान सम्मेलन ते पूर्वी एशिया सम्मेलन दे सफल आयोजन दी बधाई दिती। बैठक दौरान दोनों नेताएं द्वपकखी सरबंधें पर विचार-विमर्श कीता गेआ ते दोनों देशों दी नेडमी हिस्सेदारी ही होर मजबूत बनाने दी बचनबद्धता जाहिर कीती। सिसौ-लिथ होरें चक्रवाती तूफान यागी करी आए दे हाड च मनुकखी आधार पर सहायता देने आस्तै मोदी हुन्दा आभार जाहिर कीता। मोदी होरें लाओ दे प्रधानमंत्री हुन्दे कन्नै दपकखी गल्लबात कीती। दोनों नेताएं

विकास भागीदारी, क्षमता निर्माण, आपदा प्रबंधन, नवीनीकरणीय ऊर्जा, ते आपसी हित सनें केई मामले पर चर्चा कीती।



PM-East Asia Summit

प्रधानमंत्री नरेंद्र मोदी होंरे इक्कमुक्त, खुल्ले-डुल्ले, समावेशी, खुशहाल ते नियम आधारित हिंद प्रशांत क्षेत्र दे महत्व पर जोर पाया ऐ। उनें आखेआ ऐ जे नियम आधारित हिंद प्रशांत क्षेत्र पूरे इलाके दी अमन-शांति ते प्रगति लेई महत्वै आहला ऐ। उनें आखेआ जे दक्खन चीन सागर क्षेत्र दी अमन-शांति, सुरक्षा ते स्थिरता पूरे हिंद-प्रशांत इलाके दे हितै च होग। प्रधानमंत्री होंरे अज्ज लाओ पीपुल्स डेमोक्रेटिक रिपब्लिक दे वियंनयन च लग्गे दे 19में पूर्वीएशिया शिखर सम्मेलन च भाषण देआ करदे हे। दुनिया दे बक्ख-बक्ख खेतरे च एल्ले चला करदे हिंसक संघर्षे पर चेंत प्रगट करदे होई मोदी होंरे आखेआ जे स्हाढा नजरिया विस्तारवाद दी थार विकासवाद दा होना लोडचदा ऐ। उनें आखेआ जे इनें संघर्षे दा ग्लोबल साउथ दे मुखे पर माड़ा असर पवा करदा ऐ। उनें आखेआ जे हर कोई चाहंदा ऐ जे पश्चिमी एशिया क्षेत्र च शांति ते स्थिरता बहाल होयै। मोदी होंरे एह गल्ल परतियै

आकखी जे एह युद्ध दा युग नेई ऐ ते समस्याएं दा नबेड़ा युद्ध दे क्षेत्र च नेई होई सकदा।

<><><><><><>

India-Lebnan

भारत नै लेबनान दी मौजूदा स्थिति पर चिंता जाहिर कीती ऐ। विदेश मंत्रालय नै इक ब्यानै च आकखेआ ऐ जे नमी दिल्ली इस स्थिति पर नेडमी तक्क रकखा र दी ऐ ते क्षेत्र च बिगड़ती सुरक्षा गी लेईऐ चिंतित ऐ। मंत्रालय नै आकखेआ ऐ जे संयुक्त राष्ट्र दा सब्बनें गी सम्मान करना चाईदा ते उसदे आदेशों दा पालन कीता जाना लोडचदा।

<><><><><><>

Pakistan-Death

पाकिस्तान च बलूचिस्तान प्रांत दे डुक्की इलाके च अज्ज इक कोयला खदान पर होए दे हमले च घट्टोघट्ट 20 मजदूर मारे गए ते 8 होर दुए घायल होई गेए। डुक्की दे जिला अधिकारी हाजी खैर उल्लाह नासिर होरें दस्सेआ ऐ जे हमलावरें हथगोले ते रॉकेट लॉन्चर दागे। पुलिस, नीम फौजी बल ते बचावकर्मी घटना आली थाहर पर पुज्जी गए न। एह हमला ऐसे समे होआ ऐ जिसलै 15 ते 16 अक्टूबर च

इस्लामाबाद च शंघाई सहयोग संगठन दा शिखर सम्मेलन होने जा'रदा ऐ।

<><><><><><>

Ladakh-Experiment

पूर्वी लद्दाख दे हैनली च परमाणु उर्जा विभाग नै MACE मेधशाला कायम कीती ऐ। एह भारत दी स्थिति गी मल्टी मैसेंजर खगोलीय विज्ञान दे क्षेत्र च मजबूती प्रदान करोग। MACE टेलीस्कोप उच्चतम उर्जा आली गामा किरणें जनेह ब्लैक होल, सुपर नोता ते गामा किरणें विस्फोटक दा निरीक्षण करोग। एह वेधशाला वैश्विक वेधशालाएं दे पूरक दे तौर पर साबित होग।

<><><><><><>

Indian-Navy

भारतीय नौसेना नवाचार ते स्वदेशीकरण सम्मेलन स्वावलंबन 2024 ते 29 तरीक गी नमीं दिल्ली च आयोजित करोग। रक्षा मंत्रालय नै आखेआ ऐ जे इस सम्मेलन कन्नै नमिएं काहडें ते स्वदेशीकरण जत्न गी नमीं ते लोड़चदी रफ्तार थ्होने दी मेद ऐ। एह आयोजन हवा ते सतह निगरानी, सतह, हवाई ते पानी हेठ डोमेन ते क्वांटम टेक्नोलॉजी च स्वायत प्रणालिएं जनेह विशिष्ट तकनीकें दे उत्पादें दा

प्रदर्शन करोग। मंत्रालय नै आखेआ ऐ जे स्वाबलंबन दे पिछले 2 संस्करणें च भारतीय नौसेना गी भारतीय उद्योग सोयां 2 जहार थवां मते प्रस्ताव हासिल होए।

<><><><><><>

IAF-UWM Rally

भारती वायु सेना दी उत्तराखंड वार मेमोरियल ऐतिहासिकार रैली श्रीनगर पुज्जी गई ऐ। उत्तराखंड वॉर मेमोरियल दे अध्यक्ष तरूण विजय ते श्रीनगर हवाई ठकाने दे स्टेशन कमांडर, एयर कमांडर प्रभात मलिक होरें इस रैली दा सुआगत कीता। कमांडर विजय प्रकाश भट्ट होरें इस रैली दी अगुवाई कीती। अपने चाल्ली दी पैहली एह रैली 7 जहार किलोमीटर दा सुर तैय करदे होई सियाचिन एयरबेस सवां शुरू होई ही, एह अरूणाचल प्रदेश ते तवांग चा निकलदे होई नवंबर म्हीने दे बश्कार दिल्ली च समाप्त होग। लेई च लद्दाख दे लेफ्टिनेंट गवर्नर ब्रिगेडियर बी.डी मिश्रा ते जहारां बद्दे लद्दाखी नौजवानें इस रैली गी जबरदस्त तरीके कन्नै बरदाया। इस्सै चाल्ली दी तैयारी श्रीनगर च बी कीती गेदी ऐ। इस रैली दा मकसद नौजवानें गी भारतीय वायु सेना च शामिल होने लेई प्रेरित करना ऐ।

<><><><><><>

Recruitment-Guidelines JK

जम्मू-कश्मीर प्रशासन नै अज्ज जम्मू-कश्मीर पुलस सेवा लेई भर्ती सरबन्धी नमें नियमें दी शुरुआत कीती ऐ। एह नियम इक्क सरकारी अधिसूचना राएं अमल च आई गेन। एहदे कन्नै पुलस दे अधिकारियें दी भर्ती प्रक्रिया च महत्वै आहले बदलाव आई जाडन। अधिसूचना मूजब भर्ती सिद्धी नियुक्तियें ते प्रमोशन राएं कीती जाग। जम्मू-कश्मीर लोक सेवा कमीशन सिद्धी भर्ती दा कम्मकाज संभालग जदके प्रमोशन सरबन्धी प्रक्रिया गी मैहकमे दी प्रमोशन मुतल्लक कमेटी दिक्खग। नमें दिशा-निर्देश सेवा कैडर जेदे च जनरल, दूर संचार, मंत्रालय, रैनोग्राफर, फोटोग्राफी, पुलिस ट्रांसपोर्ट सरबन्धी वर्कशाप ते हथियार असले सरबन्धी सरिस्ते च लागू होडन। मुख सचिव ते पुलस दे महानिदेशक समेत दऊं सीनियर अधिकारियें दी अगुवाई आहली दऊं कमेटियां मैहकमे च प्रमोशन ते नियुक्तियें दे कम्म गी दिक्खने लेई कायम कीतियां गेइयां न।



T-90 Tank

आत्मनिर्भरता दी दिशा च इक महत्वपूर्ण गें पुट्टदे होई थल सेना नै टी-90 भीष्म टैंक दा नमा संस्करण तैयार कीता ऐ। बरे 2003 सोयां

मुख्य युद्धक टैंक टी-90 भीष्म अपनी मारक क्षमता, गति ते सुरक्षा आस्तै जानेआ जन्दा ऐ। टैंक दा नमा संस्करण होर मता शक्तिशाली ते खतरनाक बनाया गया ऐ। थल सेना अध्यक्ष जनरल उपेंद्र द्विवेदी होरें हाल च गै टी-90 भीष्म टैंक दे इस नमें संस्करण गी थल सेना च शामिल कीता। टी-90 भीष्म टैंक दा एह नमी संस्करण दिल्ली छावनी दी 5 सौ 5 आर्मी बेस वर्कशॉप च तैयार कीता गया ऐ। लगभग 47 टन वजन दा एह टैंक नौ अशारिया 6 मीटर लम्मा ते दो अशारिया 8 मीटर चौड़ा ऐ। इसदा लौहका आकार इसी जंगल, पहाड़ ते दलदल आले इलाकें च 60 किलोमीटर प्रति घंटे दी रफ्तार हासिल करने च मदद करदा ऐ। इस टैंक पर 125 मिलीमीटर दी स्मूथबोर गन लगाई गई ऐ। टैंक पर लग्गी दी एंटी-एयरक्राफ्ट गन दो किलोमीटर तक दे लक्ष्य गी मार करी सकदी ऐ।

<><><><><><><>

Coast-Guard

तटरखक बल दे लापता पायलट कमांडेंट राकेश कुमार राणा हुंदा शव कल गुजरात दे पोरबंदर सोयां 55 किलोमीटर दक्खन-पच्छिम च बरामद कीता गेआ। राणा ते उंदे त्रै सहयोगिणं दल दा लाइट हेलीकाप्टर mk-3 सितंबर दी रातीं उसलै समुंद्र च डिग्गी पेआ हा

जिसले ओह इक मालवाहक जहाज दे चालक दल दे सदस्ये गी चिकित्सा सहायता प्रदान करने आस्तै डोआरी भराश्रदा ऐ। हादसे मगरा तटरक्षक बल नै बड्डे पैमाने पर खोज ते बचाव अभियान चलाया। जिस दौरान चालक दल दे इक सदस्य गी समुंद्र त्वां बचाई लैता गेआ। चालक दल दे 2 होर सदस्ये दे पार्थिव शरीर 3 सितंबर गी समुंद्र त्वां बरामद कीते गए हे।

<><><><><><>

Mishra-Air Pollution

प्रधानमंत्री हुन्दे प्रधान सचिव डॉ. पी.के. मिश्रा होरें नमी दिल्ली च धूदल उड़ने दी समस्या दे हल आस्तै शिडके दे कंडडे गी हरा-भरा करने दी गल्ल आकखी ऐ। कन्नै गै उनें रस्ते गी पक्का करने दे सरबंथे च मिशन-मोड आला नजरिया अपनाने पर जोर पाया ऐ। दिल्ली सरकार ते होर दुए सरबंथी धडे कन्नै इक बैठक च मिश्रा होरें राजधानी च हवा दे प्रदूषण गी घट्ट करने आस्तै लौहकी अवधि आले उपाएं गी फौरी लागू करने आस्तै आकखेआ। हवा दी गुणवत्ता गी ध्यान च रक्खदे होई उने मौजूदा कानूनें दी सख्ती कन्नै पालमा पर जोर पाया। मिश्रा होरें निर्माण गतिविधियें करी उडने आली धूदल पर काबू करने लेई गलाया।

<><><><><><>

PM-Deshmukh

प्रधानमंत्री नरेंद्र मोदी होंरें अज्ज भारत रत्न नानाजी देशमुख होंरें गी उन्दी जयंती पर श्रद्धांजलि भेंट कीती। मोदी होंरें सोशल मीडिया पोस्ट च देश दे ग्रामीणों दे सशक्तिकरण प्रति नानाजी देशमुख हुन्दे समर्पण ते सेवा गी चेता कीती ते उन्दी सराहना बी कीती।

<><><><><><>

MAHA-Tata

नोएल टाटा होंरें गी टाटा समूह दे सहयोगी ट्रस्ट दा निर्विरोध अध्यक्ष नियुक्त कीता गेआ ऐ। रतन टाटा हुंदा काल होई जाने मगरा बोर्ड दी बैठक दौरान अज्ज एह फैसला लैता गेआ। रतन टाटा हुंदा बुधवारें 86 बरें दी उम्री च काल होई गेआ हा। टाटा स्टी ल ते वोलटाँस सने केई सूचिबद्ध कंपनियें दे बोर्ड च नोएल टाटा सेवा दिंदे न।

<><><><><><>

BJP-Congress

भारती जनता पार्टी नै हरियाणा विधानसभा चुनां च कांग्रेस आस्सेया हार दी वजहें दी जांच करने आस्तै समिति बनाने पर नुक्ताचीनी

कीती ऐ। नमीं दिल्ली च मीडिया कन्ने गल्ल करदे होई पार्टी प्रवक्ता शहजाद पूनावाला होरें आरोप लाया जे एह वरिष्ठ कांग्रेस नेता राहुल गांधी होरें गी बचाने ते हरियाणा च हार आस्तै दुएं गी दोष ठहराने दा जल्न करा रदे न। भाजपा नेता नै एह बी आरोप लाया जे सारी हार आस्तै कांग्रेस नेता कुमारी शैलजा गी जिम्मेदार ठहराने दी कोशिश करा 'रदे न। पूनावाला होरें एह बी आखेआ जे कांग्रेस दे सहयोगी बी आकखा रदे न जे ओह अपने अहंकार ते लोकें कन्ने नाता त्रुडने करी हारे पर ओह अपने सहयोगिणं दी गल्ल सुनने गी तैयार नेई ऐ।

<><><><><><>

West-Bengal

कोलकाता च आर.जी. कर मेडिकल कॉलेज ते अस्पताल च इक जूनियर डॉक्टर कन्ने दुष्कर्म ते हत्या आली घटना खिलाफ आमरण अनशन करा'रदे डॉक्टर अनिकेत महतो दी हालत नाजुक ऐ उनें गी अस्पताल दे आईसीयू च रखेआ गया ऐ। इस दौरान डॉक्टरें दे संयुक्त मोर्चे नै मुख्यमंत्री ममता बनर्जी होरें गी चिट्ठी लिखिए डॉक्टरें ते सरकार बश्कार गतिरोध गी खत्म करने आस्तै दखल देने दा अनुरोध कीता ऐ।

<><><><><><>

West-Bengal-Durga Pooja

पश्चिम बंगाल च महाष्टमी ते महानवमी दा त्योहार पूरे उत्साह कन्ने मनाया जा रदा ऐ। पूजा पंडालें च देवी दुर्गा दा आशीर्वाद लैने आस्तै लोकें दियां लम्मियां लम्मियां रीगां लग्गी दियां न। समाज दे बक्ख बक्ख वर्गे दे लोक नमें-नमें ते रंगबिरंगे कपडे लाईए इक पंडाल सोयां दूऐ पंडाल च जा र दे न।

<><><><><><>

Noble Awards

जापान च हिरोशिमा ते नागासाकी च परमाणु बम विस्फोट दौरान जीवित बचे दे लोकें दे जापानी समूह निहोन हिदानक्यो गी वरे 2024 आस्तै नोबल शांति पुरस्कार प्रदान कीता गया ऐ। इस समूह गी हिबाकुशा दे नाम कन्ने बी जानेआ जन्दा ऐ ते एह परमाणु हथियार मुक्त विश्व दा लक्ष्य हासिल करने आस्तै लगातार जतन करै करदा ऐ ते परमाणु हथियारें दा इस्तेमाल फीह कदे नेई होने देने दे संबंध च प्रदर्शन करदा ऐ। इस नोबल शांति पुरस्कार दी घोषणा ओस्लो च नोबल संस्थान नै कीती। पिछले बरे नोबल शांति पुरस्कार ईरान दी मानवाधिकार कार्यकर्ता नर्गेस मोहम्मदी दी हासिल होआ हा।

<><><><><><>

AAP NC

अरविंद केजरीवाल हुंदी अगुवाई आहली आम आदमी पार्टी नै अज्ज अधिकारिक तौर पर जम्मू-कश्मीर च नेशनल कांफ्रेंस गी समर्थन देने दी घोषणा कीती ऐ। आम आदमी पार्टी नै अज्ज लेफ्टिनेंट गवर्नर हुंदे दफ्तर गी उमर अब्दुल्ला हुंदी अगुवाई आहली सरकार गी समर्थन देने बारे औपचारिक चिट्ठी सौंपी दिती ऐ। आम आदमी पार्टी नै डोडा असेंबली हल्के सवां जित हासल कीती ही। आप दे मेदवार मेहराज मलिक नै भारतीय जनता पार्टी दे मेदवार गजय सिंह राणा होरें गी 4 जहार 538 वोटें कनै हराया हा।

<><><><><><>